



SAOPŠTENJE ZA JAVNOST

Presuda od 5 godina i 3 mjeseca zatvora zbog pokušaja ubistva i neovlaštene nabavke i držanja oružja

(Brčko, 18.09.2026. godine)

Osnovni sud Brčko distrikta BiH nepravosnažno je osudio Osmana Husejnovića iz Brčkog na jedinstvenu kaznu zatvora u trajanju od 5 (pet) godina i 3 (tri) mjeseca zbog izvršenja krivičnih djela „Ubistvo“ u pokušaju i „Neovlašćena nabavka, držanje ili prodaja oružja ili bitnih dijelova za oružje“.

Naime, višestruki povratnik u činjenju krivičnih djela Osman Husejnović zvan „Omo“ je u ranim jutarnjim satima dana 4. juna 2023. godine u naselju Prutače u Brčko distriktu BiH u stanju smanjene uračunljivosti i umjerene alkoholisanosti, nakon cjelodnevne svađe sa svojom suprugom, uzeo pištolj marke „Crvena zastava“ model 70, kalibra 7,65 mm i iz neposredne blizine ispalio jedan metak u smijeru suprugine glave nanijevši joj prostrelnu ranu i ozljede opasne po život.

Tužilaštvo Brčko distrikta BiH je u augustu 2024. godine nakon provedene istrage podiglo optužnicu protiv navedenog lica zbog postojanja osnovane sumnje da je izvršio krivično djelo „Ubistvo“ u pokušaju iz člana 163. stav (1) u vezi sa članom 28. Krivičnog zakona Brčko distrikta BiH i krivično djelo „Neovlašćena nabavka, držanje ili prodaja oružja ili bitnih dijelova za oružje“ iz člana 65. Zakona o oružju i municiji Brčko distrikta BiH, te istovremeno zatražilo izricanje mjere sigurnosti oduzimanja pištolja marke „Crvena zastava“ modela 70, kalibra 7,65 mm, kao predmeta koji je osumnjičeni upotrijebio pri počinjenju krivičnog djela, a za kojim je CJB Bijeljina raspisala potragu kao ukradenim.

U toku krivičnog postupka, optuženi je priznao da je učinio krivična djela kako je to u optužnici navedeno i zaključio sporazum o priznanju krivice, pa je Osnovni sud Brčko distrikta BiH cijeneći da su predložene pojedinačne kazne i jedinstvena kazna zatvora, kao i zaštitna mjera oduzimanje predmeta, srazmjerne težini počinjenih krivičnih djela, nastalim poslasticama i ličnosti optuženog lica donio presudu kako je naprijed navedeno.

**VRŠILAC DUŽNOSTI GLAVNOG TUŽIOCA
VLADIMIR TEPAVČEVIĆ**